





萃 慶 堂 藏 板

馮宗伯琢菴

書林余泗泉梓行

馮先生文集

叙宗伯馮琢菴文集

穀城居士于慎行撰



古稱不朽者三言居其一要以圖功緯德非文曷遠則尤其載而不朽者焉天壤之間有形有質之物未有能不朽者必化而後不朽金石之堅泐且蝕焉而

朽土木之隳蠹且蘇焉而朽惟母化也
水之泮：代而不盡朽乎哉火之炎：
傳而不盡朽乎哉何者化也人心之精
吐而為言言之倫要專而為文此必有
變而之化者無所變而之化而欲高馳
席眎樹千載之標豈其質哉近世名家

輩出非先秦西京口不得談筆不得下
至土苴趙宋之言目為卑淺而眉山氏
之家法亦若曰姑舍是云鄙人少而操
縵亦謂為然久而思之不也蓋先秦西
京之文化而後為眉山氏眉山氏之文
化而後為弇州氏眉山氏發秦漢之精

蘊化其體而為虛弇州氏攬眉山之杼
軸化其材而為古其變一也世人不知
一以為趙宋一以為先秦西京徒皮相
爾且夫先秦西京之世有以文命者哉
漆園之洗洋則論著之書也韓非之精
切則短長之策也長沙之宏瞻則陳對

之牘也龍門之逖蕩則紀述之史也此
皆眉山氏之所釀而為文者也盍嘗取
而紬之廓之宏篇約之單語安所尋其
軌迹安所索其斧痕故能不為秦漢者
而後能為秦漢此則不可朽爾何者文
以神化者也不會之以神而合之以體

不合之以體而摸之以辭則物之形質也方興方圯方新方故不朽何之今觀馮公之文色澤膚肌烏乎為秦漢乎而精神脈絡烏乎非秦漢乎其修學博而不濫其抽思深而不譎其綜藻華而不雕其稱名隱而不晦其論議辯說邈探惚

恍冥造希夷愈入愈研愈出愈鬯而不可端倪莊也而無之也其指畫政體陳說機宐密策決於一言碩畫陳於萬里名實必中權正相資韓也而無之也其奏對之疏獻納之章辨官敦典攷古究今理侈而核詞亮而婉可以納牖宸衷

光華王度賈也而無之也其鋪叙事理
操縱闔闢虹流波詭而繩尺森然無少
過佚遷也而無之也軼而至於百家之
說六代之體皆有而未嘗有皆用而未
嘗用溘溘吐納剝削滌滌衡之不得其
垠縱之不得其首故夫眉山之後化秦

漢而為虛者吾獨以馮公之幾之也蓋
頃者先正諸公亟稱擬議以成其變化
豈非名言然擬之議之為欲成其變化
也無所變而之化而姑以擬議當之所
成謂何夫酒醴成於麴蘖而麴蘖非酒
也湯液成於藥石而藥石非湯也有如

以酒醴為澉澹而駁其醴醕以湯液為
清冷而咀其渣滓文而肖是乎哉無論
秦漢立言之家眎為何若改使趙宋諸
賢誰不捧腹何言蘇氏故吾謂馮公之
文可以不朽者謂其幾於化也所未盡
者蘇公如走盤之珠肆而不得流而馮

公如出匣之鎡抑而不可遏此則時未
逆心年不待力者矣噫乎天之喪斯文
乎概世道者為一代惜九鼎之才而商
稅文者為千古揭天球之寶行也無能
發其流別為左氏之玄晏則甚愧而不
得辭矣至若韻之文則古出建安而

下逮於唐近出高王而旁薄於杜又當
世所不幾者嘗別為之叙故不重詮
萬曆乙巳季秋上浣之吉



馮宗伯文集目錄

一卷

○序 二十六條

壽林老師六袞序

壽楊東臺先生七十序

益都張惺宇父母善政錄序

送楊公亮序

送張泰亨中州叅藩序

送陳侍御奉太夫人南還序

壽陸年伯序

賀彬泉劉先生暨夫人七十序

壽顧中丞母覃夫人序

壽于長公六十序

賀惠安伯張公生子序

贈楊公子遊邑序

巳丑會試錄序代

封中丞魏太翁序

賀宮保司空舒公還朝序

贈少司馬郝公總督薊遼序

送太宰夢山楊先生致仕序

賀中丞成公序

賀顧公祖巡撫遼東序

贈育所林侍御考績序

送李都諫河南叅藩序

江西乙酉序齒錄序代

送李仰城山西總戎序

賀張督府考績序

贈大中丞顧冲菴巡撫遼東序

送水部項公序

二卷

○序二十八條

賀少司徒筠尚翁偕王洲入雙壽三封序

賀御史大夫少泉郝公入理戎政序

賀魏太翁八表序

武舉錄序

于宗伯集序

謝京兆詩序

賀密雲兵備王公考績序

賀密雲令楊公考績序

送郡守衛公祖入覲序

壽邢封君八十序

刻武經七書序

贈中丞王公入掌臺憲序

送薛都諫湖廣叅藩序

贈梓庭張君序

賀大司馬邢公平倭奏凱序

賀王介石公祖擢右方伯序

賀康侍御序

壽元輔對翁王公六十六序

送郡大夫介吾范公祖入覲序

壽趙翁偕夫人八十序

戊子湖廣鄉試錄序

順天辛卯鄉試錄後序

壬辰武舉錄序

辛丑會試錄序

魏中丞奏議序

送蕭漢穎守寧國序

送胡郡伯序

贈宮保大司馬鄭公還朝協理戎政事

三卷

○記八條

臨朐令荆公德政碑記

歸遺金記

遊冶原記

仰天寺記

新設洺州府碑記

矩室記

紀別

○傳二條

尹孺人傳

郭趙州傳

○贊二條

王襄毅公像贊

江長信埋輪小像贊

○箴二條

昭仁殿箴

養心齋箴

○墓表四條

遼陽副總兵傅公墓表

封徐太孺人墓表

慶府左長史林亭王公墓表

贈淑人李節婦墓表

○行狀 二條

雲川蔣君姜孺人行狀

官保尚書余文恪公行狀

○墓誌銘 五條

贈徵仕郎鴻盤先生墓誌銘

慶府左長史王公墓誌銘代

誥封嚴淑

湖廣按察

川先生墓誌銘

江西按察使劉公邢安人合葬墓誌銘

四卷

○表 五條

擬輔臣恭進

太祖高皇帝御筆批答勅諭及詩文共七十六道表

擬宋置寬恤民力司遣官分路巡訪謝表

謝馳驛回藉表

謝祭奠表

進會典表

○啓 五條

候申相公

候內閣代父

賀張總督

答王見峰

請余老師

○引 一條

脩城小引

○議 三條

東省防倭

朝鮮撤兵留兵

礦稅

○疏 七條

請 皇太子冠婚

乞召回中使

類奏災異

答天戒

吏部公本

正士風文體

遵祖制酌時宜以求保治安

五卷

○論二篇

人主當使知四方艱難

軍事皆由將出

○策

丙戌一道
辛丑二道

湖廣五道
武試二道

順天二道
京營一道

計十三道
依集金剛

任讓

舍令

言路

吏治

名實

兵變

議論

議虜

諫法

國勢

攻守

馬家文集目錄

防倭

京營

六卷

○書牘三十八通

荅王荆老贈言

上王相公論三王並封

寄申相公

寄山陰王相公二通

荅蕭漢冲賀陳玉壘相公

荅邢經略二通

寄王辰王

荅李大將軍

荅左海樓

荅夏仁寰

荅韓中丞

荅姜肖鳳

荅馮開之

與張惺字

答邢昆田

與王辰玉

答尹春寰

答蘇紫溪

答代與太史

寄于穀峯二通

答王弘陽

上王老師

候申老師

答黃葵陽

答朱鑑唐

答葉制府二通

寄邢制府

答王懷棘

寄朱鑑塘

答李登軒

答顧中丞

答朱廷尉

海環齋文集
卷之五
荅王兵憲

宗伯集卷之一

北海馮

琦用韞著

晉江李廷機爾張校

門人莊天合

李騰芳全輯

序

壽林老師六袞序

吾師華亭林先生以今歲滿六袞門下士相與謀為
先生壽而使某修酌者之辭今稱壽者多侈言顯榮

尊寵以相耀此人世可立致而不可為壽即遠而稱吐故納新餌大還而規久視此可為壽而不可必得也余安取說而壽先生余蓋聞之靖節君靖節之詩曰嘯傲東軒下聊復得此生不有失也何以言得其在去彭澤之後乎九日之詩曰世短意恒多斯人樂久生此其抗志雲表下閔人代達矣余以為得此生者久生者也吾師自修業秘館給事省闈以至為罔正立朝凡十五年不佞之得侍先生在先生為給諫時當事有可言未嘗不正色草疏以上也國家之典

章時事之便宜未嘗不蚤夜以思也雖復杯酒几席之間端然有憂世之色蓋意念深矣自先生歸卧江臯者七年而樂可知也今仕者縛纓被冠素化為緇操則慄舍則悲指其都華要不命之曰得退而居田里命之曰失此夫得人之得不自得其得者也勞身焦思滑其天和上者以營其職下者以茫其家以毀以譽且趨且避多矣乎世之為意也顧於此生何得乎先生之都華要不色喜去而居里中不色愠是先生昔未嘗得而今未嘗失仕不為得不仕不為失故

知先生所自得者厚矣身不羈於世而身始為吾有
精神心思不役於世而精神心思始為吾有蓋古稱
為臣毋以有已夫為臣無已足釋為臣而始有已也
有已而始得此生得此生而始可以久生故如先生
今日則可以稱壽矣諸子曰子以此為先生壽可也
顧先生豈以向平之高忘長孺之戀也部使者方交
章薦先生先生且應徵書以出子稱先生居里中樂
吾恐先生釋此樂而去也應之曰鵬之圖南以六月
息者也不息則不能致遠吾豈可以其息為樂其飛

為不樂哉夫先生亦無往不樂者也得失相乘仕隱
遞代而先生始終故吾無損益也先生退居里中不
色愠即異日起而都華要不色喜是今未始失而後
未始得今不為失而後不為得故知先生所自得者
厚矣得此生者久生者也請以此為先生壽若夫顯
榮尊寵以及神仙家言其為意也不又多乎余未敢
為先生道也

篇意

大意在所自得者厚故能久生先生前都華要不為得則今居里中不為失也後復婉轉言先生今居里中不為失則後復起而居華要不為得也前後兩自得者厚句相照應得失字一篇

釋義

精神

向平之高漢向長字子平隱居不仕遊長孺之

憲漢汲黯字長孺武帝拜為淮陽太守黯曰臣願為中郎出入禁闈補過拾遺臣之願也

壽東臺楊先生七十序

嘉隆間有名御史曰東臺楊先生執三尺法按晉中屬歲甲子當比士先生實綱紀之是年得士為盛其後先生回翔藩臬所至著聲績寔益嚮用遂解綬去先生故長安人居長安中自謂身既隱不復從貴人游即其生平交知與其門下士過而問先生謝不見也歲庚寅先生滿七袞諸門下士游都門者謀為先生壽而余猶記先生在晉時序我二三兄弟耳提而面命之其首簡稱切切惇惇怡怡如也夫我諸生義

則友朋情則兄弟行也其視先生則弟子視父師也語曰無言不酬無德不報余安取說而酬先生祝先生名位則非其意祝先生壽壽先生所自有也無已則請論先生之所以壽以附於華封之義蓋造物之於人其不肖者常有所愚之使慕其不足而勞其賢者常有所用之不使私其有餘而逸賢與不肖何其擾擾也其有所驅役而不得自己耶造化勞我以生逸我以老當其勞我不能不勞當其逸我我猶自勞此則自為役耳不得言造物矣迺有不為人役又不

為造物役者則司命者無如之何我誠貞造物不能使躁我誠靜造物不能使競以余觀楊先生蓋古人貞靜之傳耶世未嘗棄先生先生又神明未衰而拂衣高謝如脫敝屣盡絕通謁造請之勞以自適內無以櫻攫其心外無以拘攣其形即造化者能使之躁競否耶夫為造物役則造物能制之為人役則人理能窮之而先生退不待年逸不待老內無陰陽之患外無人道之患此司命者所不能制而人理之數所不能窮也先生之訓諸士曰岱山有松栢焉兔絲在

十仞之上茯苓在重土之下而精未始不相通也今諸士或內或外或出或處而精未始不相通則以先生之訓在焉雖然彼兔絲茯苓之相通豈不以附松栢哉請遂以松栢為先生壽夫松栢而壽所自有也而官師之所材也故陰陽之患少而人道之患多惟遠在深山大壑則患不至焉近在清廟明堂則患不至焉先生居長安中而抱真守一遺落世事依日月之際而出塵垢之外此其在清廟明堂而無人道之患者耶作而能止近而能遠遠與近不復關人而勞

與逸不復關造物此司命之所不能制而人理之數所不能窮也憶昔受先生訓詞依依如旦暮事而忽已二十七年諸門士離合去就數矣先生之訓未嘗一日去吾胸中也即不腆之詞庸足酬乎其言之不酬且終何以報先生德哉

篇意

大意言造化勞我以生逸我以老世人為造物役則有陰陽之患而自為勞者又有入道之患惟先生無之前言先生未老而先休後言先生雖處清廟明堂而出塵垢之外此司命所不能制而人理之數不能窮重複相應結胎在勞逸兩字

益都張惺字父母善政錄序

沛縣張公以癸未之冬來尹吾邑至則問疾苦平政
令出冤獄振困乏量土田均徭役省供億戢奸慝
貞烈興教化吏奉其法事循其紀戶口蕃息盜賊衰
止行之五年民以大和主爵課其政為天下第一乃
徵入為給事中於是士大夫及邑父老率子弟會城
北官道上民遮道留曰漢循良吏如河內廣陵皆聽
百姓留我救邑獨為匪民而奪我賢君安得上書借
賢君一年士大夫曰賢君以吉徵不宜留且留無故

事賢君在耳目之班得盡言天下事即福在天下吾
邑亦必與焉百姓度不可柰何始聽公去百里外褰
衣裹糧而送者不絕於途既去而民思之甚于為令
時則相與條次其政令便百姓者凡十六事請于都
御史御史籍之以告後來比于功令都御史御史皆
報可於是列款以付梓人而屬不佞序之後即欲問
公之政石具在余不論論公所由行政者公及性寬
大平恕明習吏事官府及民間銖兩之弊必晰規畫
務為久遠而精力能推行之行之皆有條理次第平

亭調劑期於當百姓心而止其大者無如顧後當始
議時士民爭言法不便行之逾年爭言法便大抵後
在民費十九後在官費十一然亦惟在張公費十一
耳今吾邑稱顧後便而他邑稱不便如故以是知法
之善以張公不以法也蓋宋時賦役法屢議而屢變
彼以便行此以不便革持議論不平推行無次第總
之實未考其成而輕易置如列兩釜而炊有人曰彼
易熟則挹而注之有人曰此易熟又挹而注之已而
復移之彼復移之此火不止而炊終不熟者變易輕

不專一也今夫石不燬於水而燬於火然始出火即沃之以水其燬彌速以是知持議論不平推行無次第不但害民之法害民即利民者亦或為害端不可不察也今有藥於此一人餌之而效即不能以此一人之效格天下病者然此一人既已效則且可無別更方易醫而愈則吾邑之顧役是已世之議法守法者慎之哉

篇意

張君善政其大者在條鞭法不在於法之善以張君行之善也未設喻以戒後之議法守法者意復殷殷

送楊公亮序

嗟茲乎公亮公亮欲安之乎蓋公亮為史官執筆札侍上左右且十年而乃出參藩也公亮儻易負竒不為熾趨偉而長髯其意氣籠蓋陰映輒傾坐客抵掌譚天下得失甚辨知公亮者以為磊磊有丈夫風槩而不知者且謂公亮虛憍恃氣乘人以鬪其捷於是公亮竟外補云夫我詞臣非有職事也惟二三兄弟相出入吾兄弟比以安而人猶得挾持浮說中公亮今公亮出在數千里外其相與非有斷金盍簪之

素擬聲而譚擬足而步俯仰御史前而公亮又不能
摧剛為柔破方為圓以自親媚於惠文之列自公亮
在詞林不能安其官今且以此安之乎公亮曰吾將
去而歸爾楊於鄞稱著姓而公亮非有烏僕素封之
業也又非有陸大夫橐中裝才自給朝夕耳而族之
貧者徃徃待公亮舉火又相與陰藉其名以行其不
行怨公亮其行也名亦歸公亮其人皆大父父行也
不可誨語而射影之倫且借之以修其郤公亮曰吾
寧去而僑居別郡爾夫僑居則何可長也嗟茲乎公

亮其竟以此安之乎吾儕向者徒持文墨議論未有
尺寸之效今公亮乃得一當以報 天子苟可報
天子何往不得自效顧今所以目公亮者何等也以
為賢智無賢智跡也以為愚不肖無愚不肖跡也知
愚賢不肖之間鑿空而無所處世且謂公亮何人哉
曰是揚己是任氣是負罪於館閣而中道棄之外藩
者耶此三者世所大疑也處三疑之勢而求容嗟茲
乎公亮其竟以此安之乎命下之日二三子過公亮
相慰也已復相與謀出處焉余子曰使我處此則弗

為也不敢以我所不為者勸吾子張子曰我之不愆
出亦何罪子其往也王子曰國之業在北風之二章
矣曾子曰太夫人在焉捧檄而喜為親紉也陸子曰
啜菽飲水亦足以樂矣計猶與未定楊子決之不佞
不佞無能為公亮決出處請為公亮陳出處之理夫
公亮非生而官又非生而官翰林公亮而之官請一
切比於外吏忘其為翰林即去此而歸乎請一切比
於諸生忘其為官蓋古人之言曰貧賤不能誣身非
人也富貴不能快意非賢也而高曠之士矯之曰富

貴之畏人不如貧賤之肆志夫富貴而快意貧賤而
肆志此兩語者品則別矣總之不敢為公亮道也公
亮出亦可不出亦可無違出處之理而可矣

篇意

楊公亮官翰林以任氣補外館中有勸其歸者
有勸其之任者此篇為陳出處之理勸其勿以
翰林而輕外任有箴
公亮任氣肆志之意

釋義

儻音蕩烏僕貨殖傳烏氏僕畜牧至用谷量
義全馬牛秦始皇令僕北封君也

陸大夫橐中裝漢使陸賈南越王王賜僑居

僑寄寓也

送張泰亨之中州參藩序

丁亥春偕泰亨送楊公亮之閩王伯楨之蜀又三年而泰亨以參藩出也諸兄弟數置酒餞泰亨泰亨亦置酒別諸兄弟居者去者皆不能為懷又念新去者解携自此始而舊去者未有會期諸兄弟在長安者益落落嗟嗟泰亨其柰此別何也顧余所以戀戀泰亨者獨在離別之際而自別離以外無為泰亨憾者我朝諫官之秩至都諫而止內卿寺外參知則以次第無所簡擇泰亨至於此則上之明聖而泰亨

一 成勞也自古特立敢言之士未必久居 朝廷以
汲長孺之直不得出入禁闥范仲淹歐陽修一語不
合輒上章乞外任去試觀古今直節士在諫闥十二
年始終無所摧抑如泰亨者幾人哉 上方弘聽納
獎忠直深言不見詰正言不見格故泰亨得展意竭
節無所依違以至此夫已受其成勞而彰 上之明
聖雖出在外藩何憾也世見泰亨介然獨立以為難
余謂泰亨前此何難繼此乃當難耳士聲名未立片
語而當士爭附之比士論既附天下厚求亡已時挈

前言責後效後效一不酬而前之言盡廢夫狐涉水
濡其尾畫蛇足亡其酒此世所習知也過之則為蛇
足不及則為狐尾故愚謂泰亨前此未嘗難繼此乃
難耳泰亨自常吉為諫官所與皆榮次素定偶俱無
猜而今始為外僚行省大吏以十數官相甲乙才相
什百聲譽相低昂過未必相匡維而禮相責望進未
必相薦達而退相怨誹語曰獸惡其網民惡其上均
是官也吾聲名顯據其上使人俛首厭心為吾下泰
亨謂此為不難乎天下莫難於處衆衆所譽衆所誹

皆懼府也夫惟正已無求於人則無怨已處直無以
曲人已處潔無以汙人已處是無以非人凡物情之
有是非也不如其已吾且在是非之中吾何敢言吾
且在是非之外而又奚以言為是非者離合之間而
悔吝之首也吾願泰亨慎之泰亨往矣秩已崇矣行
已成矣士已附矣自今而有患其在有餘蔑不足矣
勞不可棄成不可毀全不可處眾不可蓋棄勞罔功
毀成罔終處全反缺蓋眾反折吾願泰亨慎之自諸
兄弟講業金馬門以至今十有四年且合且離情款

如一日以心之無遠也故盡言以規子吾所以規子
者止此矣然終無柰此別何也

篇意

泰亨以庶吉士居諫闈十二年出參藩世謂泰
亨前此介然獨立為難此文謂泰亨後此處眾
為難有箴泰亨毋
是已而非人意

送陳侍御奉太夫人南還序

今年春陳侍御從龍以河南道主計吏引繩墨別白
黜陟一稟於至公朝紳爭識其風采會言官以請
訓儲得重譴省臺以論救而譴者十餘人銓部以遷
建言者官而譴者四人一時所稱端人正士如鍾都
諫羽正張都諫棟王選部教皆與焉侍御欲草疏直
其事或謂侍御前疏指切宮闈留不報今復有所論
列必將干 明主怒以憂太夫人太夫人亦數諭止
之屏居獨處則使使偵侍御何為出稍久不還則使

使起召之曰得無入朝上封事也侍御久之不得發
意嘿嘿不自快於是奉太夫人以歸友人馮子酌之
酒而送之曰嗟乎端人正士盡之矣或以言去或以
職去或以不得其言與職以去朝士大夫其畏哉君
臣之離合陰陽之消長可復說也蓋往歲之事驟進
賢人而亟退不肖夫名者爭之器也予之美名又驟
予之美秩天道所忌也奪之以所深利而被之以大
不肖之名在人情必不堪處天之所忌與人之所不
堪則其勢不可以久夫甚精必愚至潔易辱磴磴者

可激而盡也士業以伉直為世所指目遇事必言言
必盡盡言必得罪一得罪則其類不可以獨安非以
言去則以不言去言與去皆足以自離於人主人主
既不肯虛懷以聽人臣又不肯降心以留此不盡不
止之勢也蓋自古旅進者必旅退若旅退則未必復
進宋時諸大臣一語不合即下殿上孔子求去一正
人去而衆正人從之故有官家別用一番人之說向
使諸公稍濡忍調劑無過持其高論使君子小人角
立而爭雖未必盡行其志然決不至喪明敗類空人

國事者文集卷一
國家如是速也由此言之則君臣之離合陰陽之消
長可具見於前事矣方今君臣隔絕外不寧而多
內憂悠悠萬事未有反汗拔山可以口舌爭而得者
計獨有竭誠極忠從容鎮定而微防其不然真見不
然然後以死守之耳蓋正人常利朝廷無事而不
肖人常利君子有事君子居重為輕根處靜為躁君
即使闔閣無有所問而正人在朝廷士之持兩端且
向且背者亦猶有所繫心即真為不肖亦有所憚不
敢發夫使不肖人有所憚不敢發即君子之類不盡

而天下事尚可為此詩人所為賦白駒也侍御行矣
予假以歲暮為期侍御慎無有他請使世多君子耶
我與天下同為君子世無君子耶我獨為君子同為
君子其功大獨為君子其力專侍御言官也安往不
得自效夫使侍御險危其身以沽直名太夫人不喜
也使侍御變度易慮習為周容太夫人又不喜使侍
御不勝膝下之戀優游遁思坐而自廢太夫人又不
喜太夫人所喜者惟侍御為君子及與天下同為君
子耳侍御奉親孝能養志其以余言質太夫人以為

然否

篇意

言人主既不肯虛懷以聽諫人臣亦當降心以留竭誠極忠從容鎮定庶天下事簡可為毋一去而不返也

壽陸年伯序

我同館諸兄弟之游胥如志也而余與陸敬承最驩自拜官以至遷秩無纖微不同偕出偕入考德序業居比舍行聯騎日未嘗不數數也其游如兄弟其視兩家尊人如伯叔父行也敬承尊人仰山翁以歲甲申入京師余及諸兄弟入謁躡衣登堂侍坐問起居不敢有餘言間携具以往如置法酒肴鞞鞠臚數起奉觴飲不及醉而罷及家君過都門外諸兄弟執榼承飲而勞之曲席而坐傳器而飲賓客各盡驩至暮

諸兄弟去敬承留移几至榻前舉太白相屬率心而語無所伏匿遂至申旦而家君低回留三日乃始去蓋敬承少家君八歲又皆能酒而余自童子時翁已為宿儒大師又皆不喜飲酒故余嚴事翁躬躬修子弟禮而家君最喜敬承以為愛我惟余亦自愧嚴事翁不及敬承愛家君甚也先是余將請告裝為行間以語敬承敬承曰伯也出子也返無益菽水之奉而虛供奉之班無為也余以其故遂止今歲敬承亦將告曰吾翁滿七袞將歸而為壽余寔不能別敬承因

前為計曰子歸而伯氏欲之我輩何敢言子歸而伯氏不欲則且柰何何不先稟命焉因具舟楫而逆之如伯氏來子復何求不來子歸未晚也敬承曰諾介使將發不佞附使者致祝曰伯尚良食秋風生矣河渠之水被於兩涯乘流而壯布帆安穩此不勞而坐致遠逾于蒲輪之適伯氏幸而肯來大官饌內法醞皆上所賜予伯氏被命服再拜而饗之逾于牲鼎之養敬承初命為大夫寢益尊重伯氏來而見敬承為上所信向士大夫所歸往必且大喜以此娛

心志悅耳目逾於舞綵之樂余且與諸兄弟次第置酒佐敬承為伯氏祝釐導和以究於大年請去苛禮襍談說為笑樂畧如敬承之對家君亦自不減親戚故舊子弟之歡伯氏其強為一耒敬承出而在供奉之班入而修菽水之奉是兩也敬以此為伯氏壽若伯氏所自為壽則王庶子先生文具矣

篇意

馬公與陸葵日同年同館故其言懇款如此大旨欲翁就養使同館兄弟得去苛禮談說為樂

釋義

音卷也收音溝臂也曲與跪同大白也

躬

音窮也 內法醞 宮中酒也 祝釐 讀曰禧也

賀彬泉劉老先生暨其夫人七十壽序

彬泉翁者今宮詹先生父也翁起家進士授內丘令徵入為民部郎出守淮陽其為政強直自遂而持大體不苛小大畧如汲長孺久之罷歸歸數年而宮詹先生官史局執經講幄旦夕且相天下而翁猶自以五馬貴稱淮陽守云今年翁某夫人皆七袞矣門下士蕭君使不佞為祝辭夫翁晉人也請遂徵晉事城杞之役絳老人以年禮於趙孟魯人聞之曰晉未可媮彼蓋四百四十甲子矣其在翁之年乎然老人始

猶受功也微此一言誰知之者初大夫老矣而舉其子午午誠不負舉然猶待其父舉也若夫不待老而逸不待舉而庸視此兩人何如哉晉多世卿而范氏為最盛武子老而授其子政曰爾從二三子以承君命惟敬靡笄之能讓則武子之教也劉先生才擅一代而不敢掩人貴在日月之際而不敢驕人居之若不足用之如不盈天下翕然稱劉先生先生遜謝不敢當曰冢丈人之教也范氏屢遷而處者為劉氏翁父子豈其苗裔耶夫晉事其小者也被為國而未及

為天下前相國趙郡郭公維揚李公吳郡嚴公則嘗為天下矣當為詞臣時父母並春秋高及其拜相麻且父業成而請老兩尊人尚健無恙也紆朱佩玉而階一品今且與劉公而四矣此與筦一國之政侈談世祿者大小何如哉而予猶以為總之浮說也請論壽理夫天地之於人也無所不為益無所不為損栽而培傾而覆則天損益之中而正滿而傾則人自為損益焉夫惟謙者受益而剛者不受損翁歷官中外斲斲不可干以私此其於物也如松栢確然不受變

於四時者也劉先生貢顯矣而三命滋恭常有以自下者此其道如海無不翁也無不委也混濔瀕洞與天為際如海則無所不為益如松栢則無所為損無所不為益則可以效之於其親無所為損則可以享之於其子故徵年則絳老人有子則初大夫世德世祿則隨武子文子而偕德齊年為一代美談則郭公李公嚴公此吉祥善事之會而天道人事之符也請書之代酌者之詞

甲子朔有四百四十五甲子矣趙孟使為絳師魯使者見婦語諸大夫季武子曰晉未可喻也

釋義絳老人晉絳人年長有疑問之曰臣生

壽中丞顧公母單大夫人叙

天子念遼陽為國家左臂歲中虜命顧公以中丞節往填撫之顧公行至邊勞士卒調兵食度地形扼塞條上備邊方畧次第報可而吏民亦遂按堵不中虜已屆太夫人壽辰則咸欣欣加額曰微顧公儲胥我而燠休之我人何以有生也雖然微太夫人何以有我顧公也微太夫人之壽且康也顧公又何能一日安茲土也太夫人尚加七著以輔遐齡以長有我顧公則又有習顧公浙中事者曰顧公之為浙監司也

卒譁於伍民譁於市標於大都白晝之中顧公密布
耳目立取倡亂者誅之譁即解假令顧公當搶攘時
才不足應猝而輕以身嘗於群譁徒以傷太夫人志而
何以有今日今遼左孤懸歲有羽書之警其難益不
異曩浙郡譁時臨荒徼踐危途有覆盂之安無垂堂
之慮則以顧公為保扞故微顧公之為保扞無論我
人何以安太夫人也蓋太夫人之自為壽也顧公之
為太夫人壽者事甚相類而相須為用太夫人來歸
當蘋蘩中缺之會而顧公受任在庚癸內擾之年太

夫人持織積微日庀其家政務繼前人之善緒而顧
公扶危正傾以定大難便安國家務在反前人之敗
跡慈母之理家良臣之憂國事甚相類而相須為用
以此為太夫人壽太夫人能無意乎加七箸也雖然
顧公亦知所繇以壽其親者哉古今以孝治天下者
無如成周乃疆場之臣不得內顧其私至有不遑將
其父母而陟岵岵以思者且出車采薇之時何如哉
其詩曰豈不懷歸畏此簡書則情可知矣顧公為遼
左守臣蓋當疆場之寄以日夜東過虜鞅掌王事與

所稱日戒孔棘者何異乃得以其間修甘醴牢醴之具治華毳珈珥之飾以奉其太夫人而稱千歲之觴於前此周法之所不得為而方召諸公或不能自致於其親者也 天子方弘錫類之孝使疆場之臣得以自恤其私而又不中制不外監故顧公得竭力從事於邊圉外為國家修干城之固而內貽太夫人以安此顧公之所繇以壽其太夫人者而 天子明德遠矣異日顧公功成東虜回面 天子下璽書勞中丞暴露軍中良苦召歸莞樞委蛇表著之位而又時

分大官法饌所謂八珍五齊者於太夫人則顧公益無虞於鞅掌而太夫人益得以優游於壽祺以對揚天子寵命 主上明德滋益厚然則顧公所為報天子者固所以壽其親者哉

篇意 顧公當王事鞅掌之日而竭力為國家干城使

得貽太夫人以安此顧公之所以壽太夫人也 未歸功於天子明德之厚得善則歸君意

釋義 儲胥 儲積也胥待也 庚癸內擾 庚西方之神主

主穀見左傳

水滸傳卷之九



